



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

100. Zoticvs dubius de impedimento matrimonij, & post diligentem veritatis indagatione[m] nihil reperiens bonâ fide contrahere, & debitum petere ac reddere potest.

**urn:nbn:de:hbz:466:1-40942**

cere alicui, amputare sibi membrum, manum, vel digitum ad conseruandam vitam, & tamen illa amputatio non est per se idoneum & ordinatum medium ad hanc conseruationem. Adhac priuatio rationis hic non intenditur, sed solùm permittitur, quam nemo tenetur cum tanto malo impedire; unde etiam Iouinus non facit in hoc casu malum, vt eveniat bonum.

Atque ex his patet ad rationes in contrarium; nam S. Augustinus loquitur solùm de ijs, quæ per accidens coniuncta esse solent, v. g. contemptus, aut odium virtutis &c. ut interpretatur Lessius.

C. Zoticus rem olim habens cum Verena nunc in uxorem ducere vult Verianam, de qua tamen dubitat, num in prohibito consanguinitatis gradu coniuncta sit Verenæ. Quæritnr. Vtrum Zoticus stante hoc dubio contrahere cum Veriana possit?

Videtur non posse. Ita Palao Tr. I. D. 3. pun. 8. n. 10; Layman L. I. Tr. I. c. 5. §. 3. n. 25. & alij. Mouentur. Tum quia fauendum Sacramento Matrimonij, ne inualidè administretur. Tum quia nemo habet ius se matrimonio iungendi, nisi probando, impedimentum non adesse. Tum quia iuxta receptum principium: contractus malâ fide initur, possessio que inchoatur ab eo, qui initio dubitat, num contrahendi, possessionemque capiendi ius habeat.

Resp.

Resp. Zoticum prædicto modo dubium, postquam adhibuit sufficientem veritatis indagationem, posse bonâ fide contrahere, & reddere ac petere debitum. Ita Thomas Sanchez de Matr. l.8. D. 6. n. 18. Ioan Sanchez D. 43 selectar. n. 44. Arriaga Tom. i. in primam secundæ. D. 25. n. 33. & alij. Ratio desumitur ex receptissima illa regula juris 65. in 6. quod melior sit conditio possidentis, & tali possessione dubitans priuari non debeat, quamdiu contrarium non probatur; nemo quippe absque certo iure spoliandus est possessione suâ. Confirmatur ex cap. laudabili. & cap. fin. de frigidis. ubi statuitur, dubium de potentia naturali ad actum coniugalem non teneri ad tutiorem partem, seu abstinentiam à Matrimonio; quia scilicet habet ius ad contrahendum, & in dubio stat pro ipso possessio. Ergo similiter Zoticus stante dubio potest contrahere, cum itidem habeat ius ad contrahendum, & possessio eidem faueat.

*Ad 1. in contrarium negamus, aliquid fieri contra reuerentiam Sacramenti, quia in hoc casu Zoticus prudenter operatur. Ad 2. Dicimus, Zoticum habere ius ad contrahendum resultans in ipso ratione dubij & libertatis possessæ, ita ut probare amplius non teneatur, impedimentū non adesse. Ad 3. Distinguimus, qui dubitat dubio practico, quando nulla est adhibita veritatis indagatio, nullumque*

Rrg

for-

formatum prudens iudicium, concedimus:  
secus negamus; in proposito autem Zoticus  
sufficientem veritatis indagationem adhibet,  
postquam ratione possessionis ac libertatis  
suæ iudicat, se stante hoc dubio posse contra-  
here cum Veriana. Ergo bonâ fide init  
contractum, ac Matrimonium  
inchoat.

*Collegii Societatis. F. et Paderbornæ*

## Omnia ad Maiorem Dei Gloriam.

1668.



IN.